

四明叢書

張宗祥

宋元學案補遺卷七十五

目錄

絜齋學案補遺

呂陸門人

補袁先生燮

吳氏先緒

吳先生仁

絜齋講友

林先生竑

別見滄洲諸儒學案補遺

絜齋同調

徐先生應龍 別見慈湖學案補遺

絜齋家學

袁先生標 別見嶽麓諸儒學案補遺

袁先生任

袁先生喬

補袁先生肅

補袁先生甫

袁先生商

蒙齋講友

伍先生維寅

絜齋門人

補

胡先生誼

補

胡先生謙

路先生康

吳先生炎

李先生元白

詳見廣平定川學案

程先生珖

別見嶽麓諸儒學案補遺

胡先生革

李先生鶚

附師楊子嘉

汪先生龍友

章先生麟

父煥

張先生伯常

吳先生祈

吳先生裕

合傳

汪先生敏中

朱先生擇善

楊先生口

補
袁韶

絜齋私淑

滕先生公遇

別見艾軒學案補遺

趙先生汝鎡

別見麗澤諸儒學案補遺

蒙齋門人

補
陳先生宗禮

馬先生光祖

詳見西山蔡氏學案

李先生純父

徐先生拱

程先生沐

曹先生逢己

葉先生東

饒先生口

蒙齋私淑

姜先生翔仲

胡氏門人

孫先生震

朱氏家學

朱先生應元

越國門人

王先生邁

詳見西山真氏學案

胡先生余潛

蒙齋續傳

補

袁先生哀

越國續傳

袁先生洪

別見景迂學案補遺

宋元學案補遺卷七十五

後學 鄭 王梓材同輯
慈谿 馮雲濠

絜齋學案補遺

呂陸門人

補 正獻袁絜齋先生變

梓材謹案先生祭倪尚書思文云某始以諸生事
公成均又云平生知己如公實希是倪齊齋固先
生太學受
知之師也

梓材又案袁清容書進修堂往還尺牘云始曾太
父越公從正獻公時諸生從正獻公凡數百人公
教不及諸子母夫人戴氏手模顏魯公大字以教
諸孫又可見先生之家學淵源不獨前有賢父矣

絜齋家塾書鈔

治安之時危亂之萌已兆漢宣帝渭上之朝是年元后
生成帝新都篡漢已兆于極盛之時矣無虞豈可不戒
哉

舜耕歷山之時祇見厥父惟知己之有罪而不見父之
爲頑所以底豫及其征苗也自省未嘗有過而惟見苗
民之作慝所以逆命至班師之後誕敷文德無異負罪
引慝之心而遂格焉滿損謙益捷于影響人心豈可以
自滿哉

王伯厚曰仲虺之誥成湯召公之訓武王戒其滿而
自矜也齊桓服楚魏武得荊州唐莊宗取汴皆以滿
失之

梓材謹案四庫全書本永樂大典著錄絜齋家塾
書鈔提要稱其學出陸象山是編大旨在于發明
本心反覆引申頗能暢其師說而于帝王治迹尤
參酌古今一一標舉其要領王厚齋發明洛閩之
學多與金溪殊軌然于絜齋所解敬戒無虞諸條
特探入困學紀聞中蓋其理至足則異趨者亦不
能易也

毛詩講義

詩三百一言以蔽之曰思無邪蓋取其直己而發粹然

一出于正風雅雖變而思之無邪則一而已矣大序所謂禮義卽孔子所謂無邪也

梓材謹案四庫全書本永樂大典編定絜齋毛詩經筵講義四卷提要稱其中議論和平頗得風人本旨于振興恢復之事尤再三致意如論式微篇則極稱太王勾踐轉弱爲強而貶黎侯無奮發之心論揚之水篇則謂平王柔弱爲可憐論黍離篇則直以汴京宗廟宮闕爲言皆深有合于獻納之義胡氏作春秋傳意主復讐往往牽經以從已而絜齋則因經文所有而推闡之故理明詞達無所矯揉可謂能以古義資啟沃矣

絜齋文集

古者大有爲之君所以根源治道者一言以蔽之曰此

心之精神而已心之精神洞徹無間九州四海靡所不
燭故書曰光被四表格于上下又曰帝光天之下二帝
之精神也曰明明我祖萬邦之君德曰新宣重光三王
之精神也二帝三王終日乾乾自強不息故能全此精
神以照臨天下至于今仰之今也雖有仁心仁聞而大
有爲之効未善願毋以寬裕溫柔自安必以發強剛毅
相濟朝夕警策不敢荒寧以磨厲其精神監觀往古延
訪英髦以發揮其精神日進而不止常明而不昏則流
行發見無非精神矣昔我藝祖當寓縣分裂之際整齊

乾坤如再開闢詩曰周雖舊邦其命維新新者精神之謂也誠能以藝祖爲法則我宋之維新亦當常如創業

之初

都官郎官
上殿劄子

書曰有言逆于汝心必求諸道有言遜于汝志必求諸非道此萬世人主聽言之法也言雖忤意而合于道斯忠言矣言雖可喜而悖于理斯不忠矣

風俗無常惟上所導導之以正直則人心皆趨于正直矣導之以邪佞則人心皆趨于邪佞矣

以上陳人君
宜納諫劄子

自古患無良將不患無精兵得良將以統率之御之以

道束之以法怯者可使勇弱者可使强

省兵篇

冗官之未省冗兵之未汰皆不可言政事此蠹財之大

者

裕財篇

人生自有樂地此心無愧雖貧且賤自有真樂此心有

嫌雖富且貴不堪其憂

再乞歸田里狀

學以自得爲貴學不自得猶不學也論語一書多六經
之所未嘗言而孟氏一書又多論語之所未嘗言大聖
大賢豈故求異于人哉得于心發于言不自知其爲異

也

書贈傅正夫

口傳耳受雖多奚爲發憤力行弗得弗措過雖微而必
改善雖小而必爲立志貴乎恢張保德務在兢業毫髮
有疑不可謂學純明不貳斯之謂盛

書贈張伯常

士君子立于斯世所以殊于眾人者以其知道也不學

則不知道不知道則無以爲人

跋滕君勿齋記後

天下無心外之道安有不根于心而可以言道者直躬
之直申根之剛仲子之廉鄉原之忠信楊墨之仁義皆

不根諸心而已

韶州重修學記

射必破的其藝始精幾于的而不能中則亦不精矣惟

道亦然隱諸中心而安質諸聖人而合始可爲據依之

地微有差焉於道歧矣

止善堂記

兢業之謂敬敬則不欺故直斷制之謂義義則不屈故

方

敬義立齋記

人之欲無窮必求所以滿其欲非道而取何所不至養

小喪大淪胥不仁不義之域豈不哀哉

是亦樓記

象山先生曰學問之要得其本心而已心之本真未嘗

不善有不善者非其初然也孟子嘗言之矣鄉爲身死

而不受今爲宮室之美妻妾之奉所讖窮乏者得我而